



**basic education**

Department:  
Basic Education  
REPUBLIC OF SOUTH AFRICA

## **NATIONAL ASSESSMENT GENERAL EDUCATION CERTIFICATE (GEC)**

### **2024 GRADE 9 PILOT STUDY2**

Thuto: Sesotho Puo ya Pele ya Tlatsetso

Matshwao: 70

Nako: Metsotso e 150

**Ho sa kenyelletswa** metsotso e 15 ya ho bala

Teko ena e na le maqephe a **24** ntle le leqephe le ka hodimo.



## **Ditaelo ho moithuti**

1. O tla fuwa metsotso e 15 ya ho bala pele o qala ho araba teko ena.
2. Bala ditaelo tsohle o nto araba dipotso ka hloko
3. Araba dipotso tsohle.
4. Ngola dikarabo tsa hao tsohle bukeng eo o e filweng.
5. Pampiri ena e na le dipotso tse nne. Matshwao kaofela ke 70 , matshwao a Potso 1 ke 25, a Potso 2 ke 15, a Potso 3 ke 10 le Potso 4 ke 20

**Teko e qala leqepheng le latelang.**



**O se ke wa phetla leqephe pele o laelwa ho etsa jwalo.**

## Potso 1: Temakutlwisiso

Bala tema e latelang o nto araba dipotso tse tla latela.

### **Tlhodisano ya bana ba motho**

- 1 Monna ya neng a tshwere phala o ne a hoeleditse ka yona a rotloetsa dimathi. “Hora di pedi, metsotso e leshome le metso e mehlano, metsotswana e mashome a mane...” Lerata la phala la utlwahala le tla ho rona. Re ne re matha lebelo la dikilomitara tse 17. “Hela! Wena mampodi” ho hoeletsa monna ya ditedu, ya shebelletseng. “O shebahala o le matla. Matha, matha, matha!” Ka ipolella hore le jwale ke matla.
- 2 Re ne re habile borokgong ba Mantsopa, re se re lebile moo re qadileng teng, re iphaphathile ka noka ya Ntha. Ntombi o ne a nkopile ho matha le yena lebelo le boima haholo. Ke ne ke sa itokisetsa ho matha lebelo le jwalo le hona e le la ho qala ke kenela tlhodisano ya mofuta oo.
- 3 Ntombi o ne a kgoroha a sa kgathalle ho tsheptjwa, a kgona ho tswapela ka mona le ka mane dipakeng tsa dimathi tse ding, a feta ka matshwepenene a lebile motheong o mabapi le borokgo. Ho matha le yena ho ne ho se bobebe hohang. Ka lehlakoreng le leng ke ne ke batla ho re ho yena a nkemele, empa mohopolo o mong o mpoella hore tlholo ho yena e tlo ba tlotlo eo a e labalabelang.
- 4 Borokgong ke ile ka hopola keletso e tswang bukeng ya mabelo eo nkileng ka e bala, ‘ke lokolle tsohle ha ke lepella’. Nakong eo ke ntseng ke lekola motjha wa ho matha oo re tlang ho o nka, ke ile ka bona eka ke papadi feela empa jwale ke ne ke se ke natefelwa, ke thabetse mohopolo ona. “Le nna ke badile buka eo” ho rora mosadi a tla ka morao ho nna, le yena a lokolla tsohle, a lepella.
- 5 Ha re se re fetile borokgo, nna le Ntombi ra boela ra matha mmoho. Re ile ra kgona ho ja lekomo re ntse re matha jwalo. “O ntse o le hantle moholwane?” ho botsa Ntombi. Kaha ke moholwanyane ho yena, mme ha ke batle ho dumela hore o a ntlhola, ka oma feela ka hlooho. “Hela Thiza!” ho hoa mothaka e mong ka thoko ho nna. Ke ile ka kgothala ha ke utlwa ho na le motho ya ntsebang mme a nthoholetsa. Ka mo phahamisetsa letsoho ke le motlotlo.

6 Lebelo lena ke le kopanyang malapa, leo dimathi le babohi ba bontshang moya o le mong wa monyaka. Letshwele le neng le hoa, e ne e le diporesente tse 15 ho feta selemo se fetileng ha ke ne ke shebelletse Ntombi. Ke kgonne ho matha dikilomitara tse 6 feela yaba ho fedile ka nna, ke lekile ho tiisa yaba ke hloka mokoka. Ntombi o qetile lebelo ka tlasa hora tse nne. Ke motlotlo ho bolella batho hore le nna ke kgonne ho kenela tlhodisano ya mabelo.

7 Ke kgolwa hore ke mathile karolo ya bone ya lebelo leo, hona ho nkgothalletsa ho etsa haholwanyane selemong se tlang. Ha se hore ke mona ha kgaitshedinyana ya ka e atlehile, o mphile mafolofolo. Ena ha se tlhodisano feela ya bana ba motho, empa ke moo ke boneng hore nka fumana sepheo sa ka teng. Ntombi o ile a hlola lebelo mme a hapa dikuku tse hlabosehang.

*E qotsitswe le ho hlophiswa ho tswa ho Google media*

1.1 Bolela hore lebelo le neng le mathwa moo e ne e le la dikilomitara tse kae?

- A tse lekgolo le metso e supileng
  - B tse leshome le metso e supileng
  - C tse mashome a mabedi le metso e supileng
  - D tse supileng
- (1)

1.2 Ke sefe se bontshang hore lebelo lena le ne le kgothalletswe?

- A Le ne le mathwa dikilomitara tse ngata.
  - B Le ne le kenetswe ke bana ba motho.
  - C Le ne le iphaphathile ka noka.
  - D Le ne le shebelletswe ke batho ba bangata.
- (1)

1.3 're ne re se re leba moo re qadileng teng, re iphaphathile ka noka ya Ntha'  
(Seratswaneng sa 2)

Polelong e ka hodimo lentswe 'iphaphathile.' le hlalosa eng?

- A ho matha pela noka
  - B ho tshela pela noka
  - C ho ba ka hara noka
  - D ho feta ka pela noka
- (1)

1.4 Lebelo lena le ne le mathwa ke batho bafe?

- A banna feela
  - B basadi feela
  - C batho bohle
  - D barwetsana le bahlankana feela
- (1)

1.5 Ke polelo efe e netefatsang hore mohlankana eo o ile a kgothala le ho ba motlotlo?

- A Ke ha a matha le motho ya badileng buka ya e badileng.
  - B Ke ha a utlwa lerata la phala le etswang ke mmohi.
  - C Ke ha a bona kgaitshedinyana ya hae e itlhomme pele.
  - D Ke ha ba bitsa lebitso la hae hara sehlopha se shebelletseng.
- (1)

1.6 Hlwaya polelo e nang le dintlha tsa bohlokwa tse kgutsufatsang tema.

- A Tlhoodisano ya lebelo e kopanyang malapa, moo dimathi le babohi ba bontshang moya o le mong wa monyaka.
  - B Tlhoodisano ya lebelo moo mohlankana a neng a lebelletse tlholo teng.
  - C Tlhoodisano ya lebelo moo mohlankana a ileng a fumana sepheo sa ho kgutlela selemong se latelang.
  - D Tlhoodisano ya lebelo moo bana ba motho ba ileng ba hapa ka bobedi ba bona.
- (1)

1.7 'Tlhodisano ya bana ba motho'

Hlalosa hore sehlooho sa tema e ka hodimo se bolela eng.

- A Bana ba motho ba kenetse tlhodisano ya lebelo.
- B Bana ba motho ba hlodisana ba le bang lebelong.
- C Bana ba motho ba kenetse lebelo ho swetsana.
- D Bana ba motho ba kenetse lebelo ho hapa mohope. (1)

1.8 Ke qeto efe eo o ka e nkang ka mora ho bala tema?

- A Mohlankana o natefetswe ke lebelo mme o ikemiseditse ho kenela ditlhodisano hape selemong se tlang.
- B Mohlankana o natefetswe ke lebelo mme o qetelletse a le hapile.
- C Mohlankana o natefetswe ke lebelo hoba o ne a itokiseditse lona ka matla.
- D Mohlankana o natefetswe ke lebelo mme o tlelwa ke mona ho kgaitsemi ya hae. (1)

1.9 'ke lokolle tsohle ha ke lepella' (Seratswaneng sa 4)

Bolela mokgabisopuo o sebedisitsweng polelong e ka hodimo.

- A Tshwantshiso
- B Lepata
- C Mothofatso
- D Pheteletso (1)

1.10 Diporesente tsa batho ba neng ba shebelletse lebelo di ne di feta tsa selemo se fetileng ka bokae?

- A diporesente tse leshome le metso e supileng
- B diporesente tse leshome le metso e robedi
- C diporesente tse leshome le metso e mehlano
- D diporesente tse leshome le metso e mmedi (1)

1.11 'moya o le mong wa monyaka' (Seratswaneng sa 6)

Mantswe a ka hodimo a hlalosa eng ka lebelo?

- A Batho ba ne ba dutse moyeng o phodileng ba bohile lebelo.
- B Batho ba ne ba nka lehlakore ka lebelo leo.
- C Batho ba ne ba thabetse lebelo leo kaofela.
- D Batho ba ne ba mametse mmimo wa monyaka ba bohile lebelo. (1)

1.12 Kgetha karabo le tshehetso e nepahetseng

- A Nnete. Mohlankana o ile a kgona ho qeta lebelo leo
- B Nnete. Mohlankana o kenetse lebelo hoba Ntombi a mo kopile
- C Mafosi. Mohlankana o ne a itokiseditse lebelo leo
- D Nnete. Mohlankana o kenetse lebelo ka thato ya hae. (1)

1.13 Fana ka phapano e teng dipakeng tsa Ntombi le moholwane wa hae lebelong lena.

- A Ntombi ha a kgone ho matha le batho bao a sa ba tlwaelang ha moholwane wa hae a rata ho matha le batho bohle.
- B Ntombi ha a batle ho thoholetswa ha moholwane wa hae a thabela ho thoholetswa.
- C Ntombi ha a tlwaela ho hlwa thaba ha moholwane wa hae a tlwaetse ho hlwella thabeng.
- D Ntombi o mathela ho hapa lebelo ha moholwane wa hae a mathela ho qeta dikilometara tse itseng feela. (1)

1.14 'ho ja lekomo' (Seratswaneng sa 5)

Sekapolelo sena se ka hodimo se bolela eng?

- A Ho qoqa le motho e mong.
- B Ho ja dijo tse monate.
- C Ho qabana le motho e mong.
- D Ho ja dijo tsa monateng . (1)



1.15 Ke kgonne ho matha dikilomitara tse 6 feela yaba ho fedile ka nna, ke lekile ho tiisa feela ka hloka mokoka. (Seratswaneng sa 6)

Polelo e ka hodimo e tlisa maikutlo afe ka ditlhodisano tsa mabelo?

- A a qenehelo
- B a tlholo
- C a thabo
- D a kgalefo (1)

1.16 Kgetha polelo e jereng mohopolo wa sehlooho.(Seratswaneng sa 7)

- A Mohlankana o ne a sa ikemisetsa lebelo o qobelletswe ke kgaitsedi ya hae.
- B Mohlankana o ne a sa ikemisetsa lebelo empa ke moo a boneng hore a ka fumana sepheo sa hae teng.
- C Mohlankana o ne a sa ikemisetsa lebelo empa o qetelletse a hlotse
- D Mohlankana o ne a sa ikemisetsa lebelo empa o ile a belaela ha kgaitsedi ya hae e hlotse. (1)

1.17 “Hela! Wena mampodi” (Seratswaneng sa1)

Mosebetsi wa letshwao lena (!) ke ofe polelong?

- A le bontsha ho teneha
- B le bontsha ho thaba
- C le bontsha ho tshoha
- D le bontsha ho thoholetsa (1)

1.18 'ke lokolle tsohle ha ke lepella' (Seratswaneng sa 4)

Polelo e ka hodimo e bolela eng?

- A Ke hlobole diaparo kaofela ha ke theohela tlase moepeng.
- B Ke tiise mmele ha ke theohela tlase moepeng.
- C Ke fasolle marapo a dieta le lebanta ha ke theohela tlase moepeng.
- D Ke hlephise mmele ha ke theohela tlase moepeng. (1)

1.19 Maikutlo a mongodi ka lebelo lee a ba le kgahlamelo efe ho mmadi?

- A A ho re kamehla ho na le nako ya ho qala ho hong ho hotjha.
- B A ho re kamehla o se ke wa dumella motho ho o qobella ho etsa seo o qalang ho se etsa.
- C A ho re kamehla o dule o mathela tlholo feela e seng ho hong.
- D A ho re kamehla o se ke wa dumela ho siuwa ke batho lebelong. (1)

1.20 Hlwaya baamohedi ba ditaba ho latela tema.

- A dimathi tsohle
- B banna bohle
- C batho bohle
- D basadi bohle (1)

1.21 Hlalosa hore sepheo sa Seratswana sa 1 ke sefe?

- A Se tsebisa mohopolo wa sehlooho wa tema.
- B Se hlalosa mehopolo e tshehetsang ya tema.
- C Se nehelana ka kakaretso ya mehopolo ya tema.
- D Se bontsha neheletsano ya mehopolo ya tema. (1)

1.22 'Ntombi o ne a kgoroha a sa kgathalle ho tsheptjwa'

Nhelana ka mohopolo o tlišwang ke polelwana e ka hodimo.

- A Ntombi o ile a baka moferefere ho bao a neng a matha le bona.
- B Ntombi o ile a tsosa ntwā ho ba neng ba matha le yena.
- C Ntombi o ile a eketsa lebelo ho feta ka moo a neng a ntse a matha ka teng.
- D Ntombi o ile a leba ho e mong ya neng a ntse a matha le yena ka potlako. (1)

1.23 O nahana ho hlolwa ha mohlankana lebelong ho mo rutileng?

- A Ho mo rutileng hore ba tla mo siya mme a ke ke a hlola a kenela mabelo hape selemong se tlang.
- B Ho mo rutileng hore ha ho kgathallanwe mabelong ka hona a ke ke a kenela mabelo selemong se tlang.
- C Ho mo rutileng hore o na le bokgoni ka hona o tla ikwetlisetsa ho kenela mabelo selemong se tlang.
- D Ho mo rutileng hore ba ba etsetsa lerata ho tloa tekano mabelong ka hona o tla ikwetlisetsa ho kenela mabelo selemong se tlang. (1)

1.24 'a kgona ho tswapela ka mona le ka mane dipakeng tsa dimathi tse ding' (Seratswaneng sa 3)

Hlalosa hore polelwana e ka hodimo e matlafatsa jwang lebelo lena.

- A E bontsha hore Ntombi o ne a bapala a sa ikemisetsa ho hlola.
- B E bontsha hore Ntombi o ne a matha moo batho ba sa matheng teng.
- C E bontsha hore Ntombi o ne a sitisa dimathi tse ding ho matha kaha a ne a tswa mahareng a tsona.
- D E bontsha hore Ntombi o ne a nkile lebelo leo e le la bohlokwa mme a batla ho le hlola. (1)

1.25 Kgetha polelo e nepahetseng e bontshang hore tema e fihlelletse sepheo sa yona.

- A Ntombi o ne a matha lebelo lena a bonahala hore o tlwaetse ho le matha.
- B Ntombi le moholwane wa hae ba ne ba matha lebelo ka maikemisetso a sa tshwaneng.
- C Ntombi o ne a memme moholwane wa hae ho matha le yena lebelong le matla.
- D Moholwane wa Ntombi o ne a matha lebelo lena hore a hlole leha a sa ikwetlisa. (1)

Potso 2: Ditema tsa ditshwantsho

2.1:Phatlalatso

Boha phatlalatso e latelang o nto araba dipotso tse thehilweng hodima yona.



2.1.1 Maikemisetso a phatlalatso ena ke afe?

- A Ke ho bontsha hore setjhaba se tshwenyehile ka ho ima ha batjha.
- B Ke ho bontsha hore setjhaba se kgothalletsa batjha ho ima.
- C Ke ho bontsha hore setjhaba se ananela ho ima ha batjha.
- D Ke ho bontsha hore setjhaba se tlotla batjha ka ho ima. (1)

2.1.2 Phatlalatso ena e lebisitswe ho bomang?

- A ho batho bohle
- B ho batjha bohle
- C ho banana bohle
- D ho bashemane bohle (1)

2.1.3 Kgetha polelo e bontshang leeme ho tse latelang.

- A Ha a mamela batswadi ha ba mo kgalemela.
- B Ke phoso ya hae a le mong hore a iphumane a imile.
- C O hlokile dikeletso tsa mantlha tsa ho thibela pelehi.
- D O entse sena ka lebaka la kगतello ya metswalle.

2.1.4 Hobaneng ha polelo ena “mmoho re ka kgona ho ...” e ngotswe ka ditlhaku tse kgolo phatlalatsong?

- A Ho kgotlaetsa babadi ho buisana ka thobalano.
- B Ho hohela babadi ho thusetsa bothateng ba ho ima ha batjha.
- C Ho bontsha hore mmoho re ka thusa batjha ba immeng.
- D Ho bontsha hore mmoho batjha ba ka kgona ho hodisa lesea. (1)


2.1.5 Menwana e supileng morwetsana phatlalatsong ena e ka hodimo e thusa jwang ho fetisa molaetsa?

- A E bontsha hore mmoho batho ba ka kopana ho thusa batjha ha ba imme.
- B E bontsha hore mmoho batho ba ka beha batjha ba immeng molato.
- C E bontsha hore mmoho batho ba ka kopana ho batlana le batjha ba immeng.
- D E bontsha hore mmoho batho ba ka kopana ho fedisa bothata ba ho ima ha batjha. (1)

(5)

## 2.2 Khathunu

Lekola tema o nto araba dipotso tse tla latela.



- 2.2.1 Hlalosa hore ketsahalo e etsahala sebakeng sefe? (Foreiming ya 2) (1)
- 2.2.2 Mopalami o tshwenngwa ke eng? (Foreiming ya 1) (1)
- 2.2.3 Ketsahalo e hlahellang khathunung e fana maikutlo afe? (Foreiming ya 2) (1)
- 2.2.4 Sesosa sa ketsahalo e etsahalang khathunung ke sefe? (Foreimeng ya 2) (1)
- 2.2.5 Hlalosa se etsahalang khathunung. (Foreiming ya 2) (1)
- 2.2.6 Molaetsa wa khathunu ena ke ofe? (2)
- 2.2.7 Ketsahalo e etsahalang khathunung e amana jwang le maemo a moo o phelang teng? (Foreiming ya 2) (1)
- 2.2.8 Ha ketsahalo e hlahellang khathunung e ntse e tswelapele ho tla qetella ho etsahetse eng ka besebedise ba tsela? (Foreimeng ya 2) (2)

**[10]**

### Potso 3: Kgutsufatso

Bala ditaba tsa tema e latelang, ebe o kgutsufatsa, mehato ya ho qala kgwebo.

ELA HLOKO:O tshwanetse ho etsa tse latelang:

1. Ngola dintlha TSE SUPILENG ka dipolelo tse felletseng.
2. Nomora dipolelo tsa hao ho tloha ho 1-7.
3. Ngola ntlha E LE NNGWE bakeng sa polelo ka nngwe.
4. Kgutsufatsa tema o sebedisa mantswe a hao.
5. Bolelele ba palo ya mantswe a kgutsufatso e be 70-80.
6. Ngola palo ya mantswe a sebedisitsweng ka hara masakana qetellong ya kgutsufatso.
7. Ha ho hlokehe sehlooho kgutsufatsong ya hao.

#### Mehato ya ho qala kgwebo

Ho bohlokwa ho tseba hore ke mofuta ofe wa kgwebo oo o o labalabelang le tsela eo o batlang ho e tsamaisa ka yona. Iphumanele tataiso ya mahala ya moralo wa ho qala kgwebo bakeng sa dikeletso.

Etsa diphuputso ka mofuta wa kgwebo ho etsa bonnete ba hore o tla ba le bareki ba batlang ho reka sehlahiswa sa hao. Bokella tjhelete o etse dikakanyo tsa ditjeho ha o qala kgwebo le ho re ebe o tla ba le phaello hang ha o qala ho rekisa. Ha o qeta ka ditekanyetso, fumana sehlahiswa seo o tlang ho se rekisa. Batla sebaka seo o ka se sebedisang bakeng sa ho rekisa sehlahiswa sa hao, o ka hira ofisi kapa wa hira feme. Ho tsamaisa thepa ho ya dibakeng tse fapaneng moo e hlokahalang teng ke bothata ho dikgwebo tsenyane. Etsa leano la hore sehlahiswa sa hao se finyella jwang dibakeng tsa thekiso.

Sebedisa marangrang ho bapatsa sehlahiswa sa hao. O ka boela wa sebedisa dikoloi tse tsamaisang thepa ka ditjeho tse tlase hore sehlahiswa sa hao se finyelle bareking. Eba le lenane le palo yohle ya bareki ba sehlahiswa sa hao hore o tle o kgone ho tla ka moralo o hlakileng wa hore dihlahiswa di finyella ho bona ntle le tshitiso. Eba le leano la ho bapatsa sehlahiswa sa hao ka tshwanelo, jwalo ka lepetjo le mebala eo ditshwantsho tseo kgwebo ya hao e tla tsebahalang ka tsona. Etsa webosaete e tla o thusa ho bapatsa sehlahiswa sa hao ho marangrang.



O ka ba motho ya ikemetseng a le mong kgwebong kapa e ka ba kgwebo ya kopanelo. E ba le palo e lekaneng ya basebetsi mme o phatlalatse hore kgwebo ya hao e fumaneha ho kae.

Sebedisa mekgwa e tshepahalang ya ho boloka tjhelete bakeng sa ntshetsopele ya kgwebo. Boloka tjhelete bankeng ya setjhaba ho qoba mathata a boshodu le ho ba le polokeho e tshepahalang e tla hodisa kgwebo.

*E qotsitswe le ho hlophiswa ho tswa ho :webmediabizz*

**[10]**

Potso 4: Dibopeho le melao ya tshebediso ya puo

Bala tema e latelang o nto araba dipotso tse thehilweng hodima yona.

**Nthabiseng lapeng labo le letjha**

- 1 Lindiwe le lelapa la habo, ba ahile motseng wa Monontsha ho la Gauteng. Dikgweding tse tharo tse fetileng Lindiwe o ile a mema moradi wa ausi wa hae, Nthabiseng, ya dilemo tse leshome le metso e mehlano, hore a tlo dula le yena. Lindiwe o ne a dula le bara ba hae ba bararo ba banyenyane. Batswadi ba Nthabiseng ba hlokahehse, mme boabuti le boausi ba Nthabiseng ba sebetsa toropong tse hole le moo a dulang teng.
- 2 Kamora hore Nthabiseng a dule le Lindiwe, ebile bothata hoba Lindiwe o ne a sa tsebe ho phedisana le morwetsana eo kaha a tlwaetse bara ba hae, o ne a mo tlala matsoho ke hona. Taba ena e ne e bakela Lindiwe kgatello ya maikutlo kaha Nthabiseng a ne a ikgetholla, a se na tshebedisanommoho a dula a ikwalletse ka phaposing ya hae.
- 3 Ka dinako tse ding o ne a ikutlwa a halefetse ausi wa hae ha a ile a hlokahehala ka tshohanyetso. Lindiwe o ne a dula a halefetse motjhana wa hae, Nthabiseng ha a tlile a tlo dula le bona empa a se na thuso ho yena hape o utlwela Nthabiseng bohloko ha a lahlehetswe ke mme wa hae. A lakatsa e ka a ka lebala ditlwaelo tsohle tse mpe tseo mme wa hae a mo rutileng tsona. O utlwa a mo kgenetse hobane ekare ha a na teboho. Boholo ba nako o ne a sa tsebe a reng ho yena.
- 4 “Nthabiseng, hobaneng a dula o ikwalletse ka phaposing ya hao” ho botsa Lindiwe a kenne haholo. “Ha ho lebaka le le kaalo mmangwane” Nthabiseng o araba a dihile hlooho. “O lokela ho tswa ka phaposing ka nako tse ding, o ithute ho sebetsa ka thata hoba kgutsana ho phela e marapo a thata.” Maemo ana a ne a mo tshosa ka dinako tse ding a ipotsa hore e be o tla kgona ho fepa bana ba bane jwang? Ho na le tsitsipano e ngata ka lapeng jwale. Lindiwe o lakatsa eka a ka fetola tsela eo a ikutlwang ka yona hape a fetole le maemo renang ka lapeng.

*E qotsitswe le ho hlophiswa ho tswa ho caregiver: workbook – Ha re buwe*

- 4.1 'Lindiwe le lelapa la habo, ba ahile motseng wa Monontsha ho la Gauteng.'  
(Seratswaneng sa1)

Bolela hore lentswe le sehelletsweng mola ka hodimo ke mofuta ofe wa lebitso.

- A Lebitsobitso
- B Lebitsokgoboka
- C Lebitsohohle
- D Lebitsohokwa (1)

- 4.2 'Lindiwe o ile a mema Nthabiseng ya dilemo tse leshome le metso e mehlano ho tla dula le bona'

Bolela ho re polelo e ka hodimo ke mofuta ofe wa polelo.

- A Polelomararane
- B Polelonolo
- C Polelokopanyi
- D Polelwanakutu (1)

- 4.3 'ho ya boyabatho (Seratswaneng sa 1)

Hlwaya lehalosongwe la polelwana e ka hodimo.

- A ho aha
- B ho hlokahala
- C ho feta
- D ho dula (1)

4.4 Baholwane ba Nthabiseng ba ne ba sebetsa pela torotswana ya Mangaung.

Sehlongwanthao “-ana” se hoketsweng ho lentswe “toropo” se bontsha ...

A nyenyefatso.

B ngatafatso.

C kgodiso.

D matlafatso.

(1)

4.5 ‘Lindiwe le bara ba hae ba bararo ...’(Seratswaneng sa1)

Polelwana e ka hodimo ke ya mofuta ofe ho tse latelang?

A polelwanahlalosi

B polelwanakgethi

C polelwanakutu

D polelwanabitso

(1)

4.6 Lindiwe o ile a ba le kгатello ya maikutlo ... o ne a sa tlwaela bophelo ba Nthabiseng.

Kgetha lekopanyi le nepahetseng bakeng sa ho kopanya dipolelo tse ka hodimo.

A leha

B hore

C empa

D hobane

(1)

- 4.7 E motle Lindiwe, o ne a bona mme wa Nthabiseng a hloka boikarabelo ka ho mo siya a le monyane jwalo.

Bolela hore lekgethi le sehetsweng mola ka fatshe le sebedisitswe jwang polelong.

- A Ka morao ho lebitso ho matlafatsa polelo.
- B Ka pele ho lebitso ho matlafatsa polelo.
- C E le moetsi polelong.
- D E le moetsuwa polelong. (1)

- 4.8 'Ka dinako tse ding o ne a ikutlwa a halefetse ausi wa hae ha a ile a hlokahala ka tshohanyetso.'

Hlwaya lehlalosi la nako polelong e ka hodimo.

- A ka dinako tse ding
- B a halefetse
- C ka tshohanyetso
- D a ikutlwa (1)

- 4.9 Lefu le sehloho le nkile batswadi ba Nthabiseng.

Hlwaya polelo e ngotsweng ka ho nepahala e le ho buetsuwa ho tse latelang.

- A Batswadi ba Nthabiseng ba nkuwa ke lefu le sehloho.
- B Batswadi ba Nthabiseng ba tla nkuwa ke lefu le sehloho.
- C Batswadi ba Nthabiseng ba ntse ba nkuwa ke lefu le sehloho.
- D Batswadi ba Nthabiseng ba nkilwe ke lefu le sehloho. (1)

4.10 ' Kgutsana ho phela e marapo a thata.'

Hlwaya tlhaloso e nepahetseng e hlalolang maele a ka hodimo.

- A Ha o se na batswadi o lokela ho ba pelo e thata.
- B Ha o se na batswadi o lokela ho rwala dieta tse marapo a thata.
- C Ha o se na batswadi o lokela ho sebetsa ka thata.
- D Ha o se na batswadi o lokela ho phela bophelo bo thata. (1)

4.11 '... o ne a mo tlala matsoho ke hona' (Seratswaneng sa 2)

Hlwaya polelo e nang le moelelo o fapaneng le wa ka moo lentswe "tlala" le sebedisitsweng ka teng polelong e ka hodimo.

- A Hlooho ya hao e tlala mosi ke ntho eo o e tsubang.
- B Nthabiseng o llile masodi a ba a tlala ka kopi.
- C Tlala e etsa o se ke wa kgona ho robala bosiu.
- D Lebeso le tlala kgameo ya ntate. (1)

4.12 Lindiwe o ile a lata Nthabiseng motswala wa hae ho ya dula le yena.

Hlwaya kgutsufatso ya mantswe a sehetsweng mola ka tlase polelong e ka hodimo.

- A Motswallae
- B Motswalahae
- C Motswalae
- D Motsalae (1)

4.13 Kgetha polelo ho tse latelang moo matshwao a puo a sebedisitsweng ka nepo.

- A Mme wa Nthabiseng e leng ngwanabo lindiwe, o ile a hlokahala.
- B Mme wa nthabiseng e leng ngwanabo Lindiwe o ile a hlokahala.
- C Mme wa nthabiseng e leng ngwanabo lindiwe, o ile a hlokahala
- D Mme wa Nthabiseng, e leng ngwanabo Lindiwe, o ile a hlokahala. (1)

4.14 Nthabiseng o hotse ka ditlwaelo tse mpe ho tswa lapeng labo.

Hlwaya leemedi le nepahetseng bakeng sa lentswe le sehelleltsweng mola ka fatshe polelong e ka hodimo.

- A Yona
- B Tsona
- C Lona
- D sona

(1)

4.15 'Nthabiseng ha a tla ha Lindiwe o ne a palame ...'

Nhelana lentswe le peletilweng ka nepo ho qetella polelo e ka hodimo.

- A Serwalangkwana
- B Seralankgwana
- C Serwalankgwana
- D Serwalakgwana

(1)

4.16 Ka dinako tse ding, o ne a ikutlwa a halefetse ausi wa hae.

Fetolela polelo e ka hodimo ho lekgatheletsweli.

- A Ka dinako tse ding, o ne a ye a ikutlwe a halefetse ausi wa hae.
- B Ka dinako tse ding, o ile a nna a ikutlwa a halefetse ausi wa hae.
- C Ka dinako tse ding, o ne a ntse a ikutlwa a halefetse ausi wa hae.
- D Ka dinako tse ding, o tla ikutlwa a ntse a halefetse ausi wa hae.

(1)

4.17 “Nthabiseng, hobaneng o dula o ikwalletse ka phaposing ya hao?” ho botsa Lindiwe.

Hlwaya polelo e nepahetseng e ho puopehelo.

- A Lindiwe o botsitse Nthabiseng hore hobaneng a dula a ikwalletse ka phaposing ya hae.
- B Lindiwe o ile a botsa Nthabiseng hore hobaneng a dula a ikwalletse ka phaposing ya hae.
- C Lindiwe o ntse a botsa Nthabiseng hore hobaneng a dula a ikwalla ka phaposing ya hae.
- D Lindiwe o botsa Nthabiseng hore hobaneng a dula a ikwalletse ka phaposing ya hae. (1)

4.18 Kgetha polelo e bontshang leeme ho tse latelang.

- A Lindiwe o ne a sa tsebe ho phedisana le morwetsana eo kaha a tlwaetse bara ba hae.
- B Nthabiseng o ne a ipotsa hore ebe o tla kgona ho fepa bana ba bane jwang.
- C Batswadi ba boNthabiseng ba hlokaletse, mme baholwane ba hae ba sa mo hlokomele.
- D Lindiwe a ba le kगतello ya maikutlo kaha Nthabiseng o ne a ikgetholla. (1)

4.19 Bolela hore mosebetsi wa seratswana sa 1 temeng e ka hodimo ke ofe?

- A Ke seratswana se akaretsang ditaba tsa tema.
- B Ke seratswana se hlalosang diketsahalo tsa tema.
- C Ke seratswana se tsebisang mmadi ka mohopolo wa sehlooho wa tema.
- D Ke seratswana se hlakisang neheletsano ya dintlha tsa tema. (1)



4.20 Nthabiseng o ne a ke ke a hlatswa difensetere le ha di ne di ka ba ditshila haholo.

Hlwaya, leadingwa polelong e ka hodimo.

A difensetere

B hlatswa

C ditshila

D haholo

(1)

**[20]**

**Pheletso ya teko**

